

Nuorttanaste

»Gæca dam Ibmel labba,
gutte mailme suddo guodda!»

»Son dagai rafhe su ruosa
varai bokte.»

No. 24.

9ad jakkegardde.

»Nuorttanaste« maksa ovta kruvna jakkoda
gast, bladde dinggujuvvu juokke poasta-
rappe lutte.

30ad December 1907.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Manditi Jesus bigjujuvvui krubba sisa.

(Okta C. H. Spurgeon juovllasarnin.)

»Ja son riegedatti su barnes dam vuos-
tasriegadam ja giesai su ja bijai su
krubba sisa.« (Luk. 2, 7.)

Čuvvot dal din jurddagidek
siste Betleheimi dam stuora oainatusa
gæccat — bæste vælla krubba siste ja
guoratala, manne su sagje læ nuft
hægjo. Juovllabæive evangelium muit-
tala, atte dat læi damditi go i læm
sagje gusi orroinviesost. Mutto odne
aigom mon eajetet, atte maidai gavn-
nujegje æra sivak.

I. Vuostaedin jakam mon, atte
bæstamek sidai eajetet mailbmai su
eiegnales vuollanæmes. Son
galgai, nuftgo profeta cælkka, »šaddat
bagjelgeččujuvvut ja hilggujuvvut olb-
muin, okta olmai dievva givsin ja bu-
rist oapes davdai;« sust »i læm mik-
kege hamid ige mikkege hærvasvu-
daid,« son læi »dego ruotas-suorgge
goikkeædnamest.« Lifčigo dat læmaš
heivolaš, atte okta olmai, gutte galgai
jabmet alasen ruosa ala šaddai gissu-
juvvut purpuri go son riegedi? Lif-
čigo dat vuogas, atte dat bæste, gutte
galgai bigjujuvvut luoikatuvvum havd-
dai, riegedi ærago luggost? Krubba
ja ruossa orroha heivvemen hui burist
okti. Bonde biktas galgai son guod-
det su allesmes eada. Guollebivddek
galgge læm su særvveguoimek. Dak
hægjo ja uccan arvostadnujuvvumak
galgge læm su mattajægjek. Dat čoas-
ka ænam læi davja su oaddeinsagje,
nuftgo son ješ celki: »Riebanin læk
biejok ja alme loddin bæsek; mutto
olbmu barnest i læm mikkege, man
vuostai son lifči mattam su oaives

dorjet.« I mikkege mattam damditi
huorebut soappat su vuollanæme ai-
gest, go son eritbijai buok su hærvas-
luođas, valdi balvvalægje hame bag-
jelasas ja njiejai vuolas dam eiegnalæ-
mus hægjovutti, go dat atte son big-
jujuvvui krubba sisa.

II. Boattemes bokte krubba sisa
addi diettevassi bæstamek, atte son
maidai læ vaivaši gonagas.
Mon jakam baimanak Betleheima luo-
kain dovde vielljavuođa dovdoi vai-
moidæsek siste, go engel celki: »Dat
galgga læt digjidi mærkkan. Di galg-
gabetet gavnat ovta mana gissujuv-
vum vællamen krubba siste.« Dam
vaivaša lutte æi bovte gonagaslaš bik-
tasak fuolkkevuođa dovdoit. Mutto
dam olbmai, gutte su lagaš biktasi
guodda, duosta son lakkamet. Okta
barggo-olmai buoreb dorvo adna dag-
gar oudastolbmai, gutte su ječas sæ-
dost læ; dastgo si dittek, atte dat ol-
mai dovda sin dile, sin vaive ja sin
bivastaga. Stuora soattevægai fievre-
dægjek læk gæppaset vuottam sin
soaldati vaimoid, go si læk vuoledam
ječaidæsek, nuft atte si soaldatidese-
guim læk juokkam vaivid ja vagjeg-
vuodaid.

Ædnama ja alme gonagas, gutte
riegadi Betleheimest, i sestujuvvum
nuoravuodast vaivaš olbmuid dabalaš
oasest, i fal, su oasse læi buok hæjo-
mus. Mon orom dego gullamen, moft
baimanak čilggijek su riegedæme stal-
ljast: »I alma son,« cælkka okta sist,
»šadda nuftgo duot Herodes. Son i
vajaldatte krubba ja šadda alelassi
njuoras vaimo guoddet vaivaši vuos-
tai. Vaivan hæjos manna mon dov-
dam rakisvuođa suduji dal juo. Mag-
gar hæjos vuostaivalddujume dat čoas-
ka mailbme adda su bæstasis. Dat i
læk gal okta cæsar, gutte odne læ rie-

gadam. Son i aigo goassege vuolas
duolbmat min ædnamid su soattevæ-
gaidesguim, ige aigo son goddet ja
borrat min sivitid. Son šadda vaivaš
olbma usteb ja albmuiga oaivvamuš.«
Ja nuft dat læ. Don læk rafhe stuora
oaivvamuš. Krubba læi du gonagas-
laš gietka. Dam siste šaddek don
ouddan bigjujuvvut buok olmuščardai
ouddi, nuftgo min soga oaivvamuš,
gæn oudast i læk erotus barbarast,
skyttast, šlavast daihe fria olbinast.
Don læk buokai hærra ja gonagas, ja
mi oažžop buokak du lusa dervolažat
mannat.

III. Mutto daggo bokte atte son
krubba sisa bigjui orro son dego
bovdde men buok hæjoid lu-
sas boattet. Mi æp læk nuft roak-
kadak, atte mi duostap gonagaslaš
truono lusa lakkamet, mutto mi æp
fitted ballat krubba lusa mannamest
damditi bottet dal buok vaivan suddo-
lažak ja vulggop Jesus lusa. Su bir-
ra læi celkkujuvvum son borra ja juk-
ka duollari ja suddolažaguim. »Son
vuostaivaldda suddolažaid« j.n.v. Bot-
tet su lusa di, gæk barggabetet ja le-
pet losidattujuvvum. Bottet di, gæk
lepet cuvkkijuuvum vuoinast ja vuolas
sojatuvvum sielost. Bottet su lusa, di,
gæk lepet bagjelgeččujuvvum, di duol-
larak ja vazičak! Bottet su lusa di suol-
lagak ja jukke! Dobbe krubba siste
vælla son, gutte i eisege aigo din erit
nordastet Luoittad du čibbidad ala ja
cummes Ibmel barne! Oamast su ald-
sesad bæsten; dastgo son ječas vuole-
di nuft atte krubba sisa vællani, vai don
roakkadvuođain oažžok sudnji lakkamet.

Salomon truono suorgata du; mut-
to Jesusa krubba bovdde du.

**Doala »Nuorttanaste« višsalet ja bar-
ga oažžot æraige dam doallat!**

Vassam jage jurddagak.

Fast læ okta jakke vassam ja manga havskes jurdag læk maŋabael-lai baccam. Juokkehaš vissa muitta dam maŋemuš dimo dam vassam ja-gest, mi čuojatemin*) læ mannam a-galašvuoda sisa, ja dam ođđajage vuostaivalddam stuora iloin. Davja orro daggar čuojatembie gullumen de-go okta vaimolaš gitos sudnji, gutte su-stuora armostes læ fast addam migjidi o-ma jage, dego danen, atte mi læp dam ansašam. Ja dat læ duot-ta, atte son berre dam oudast oazžot min hæjos gitos juoga lakai. Mutto nuftgo gæinok alo læk guovte lakai, de nuft læ maidai olmui gitos moad-de lakai. Okta oasse gavdnu, gutte ramedá ja gitta Ibmela vaimostes dam stuora armo oudast, maid son læ ča-jetam daggo bokte, atte son læ sin suovvam ællet fast aige molsomi; ja nubbe oasse čajeta su maidnomes æra lakai, nuftgo mailme vierro læ.

Jage molsom læ dušše okti ja-gest; mutto olbmui lunddo nubbastuv-va manga gærde ovta jage sisa. Ja erinoamačēt læ davja olbmui hallo dat, atte dam ođđa aigest dakkat juoga, mi i læk dam boares aige viero mielde. Olbmui aiggomuš læ Ođas, ođas! Ja davja manna nuft, atte olmuš va-jaldatta munga daina havskes jurdda-gin dam vassam jagest. Buok galgga læt dušše ođas. Ja davja manna dat vela nuftge, atte vel dat ođđa aiggo-mušge vajalduvvu. Daina lagin šad-da aige molsom sëmna lakai, go ol-muš molso biktasa. Dat boares biv-tas erit nullujuvvu ja ođas dam sag-jai bagjeli valddujuvvu, mi aibas far-ga duolvva ja boarasmuvva, ja dam molsomest læ uccan avke, mi dieđost-ge læ arvvedämest. Aido sëmna la-kai læ aige molsom muttom olbmui guovddo. Dam satak don ješ buore-but guoratallat, go mon dast namatet. Gæččal iskat ječad lækgo don dam jage molsomest sëmna lakai go di-mag. Lægō du luonddo ja aiggomuš dam jage sëmna go oudeb jagid. Jos dat nuft læ, de læk don jage molsom adnam sëmna lakai, go don buttes baide molsok. Dat duolvai ja šaddai aido sëmna lakai go oudal. I mikkege erotusaid. Daggar aiggo-

*) Dača viero mielde.

mušast læ okta ja sëmna. Du jurd-dagak daidde dam boares jage maŋe-muš dimost læm æra lakai; mutto go don duolnastet dam ođđajakkai, de legje buok vajalduvvam, ja don alg-get dam ođđajage aido sëmna lakai adnet, go dam, mi vasi.

Dat boares jakke vasi, ođđajak-ke sisaloaidasti; mutto du luonddo ja aiggomuš i daiddam nubbastuvvam. Daggar ællem læ, oazžo dagjat, aibas avketes ællem. Rakis usteb! Mi æp læp danen sivneduvvum mailbmai. Mist læ ječa, maid mi berrep vutti-valddet; dastgo mi berrep muitep, at-te olmuš læ sivdnadusa herra. Ol-muš čuožžo juokkelakkai alebust go luonddogappalak ja berre damditi barggat dam ala, atte nuft daptuvva, atte luonddogappalagasažžan i šadda.

— Go luonddogappalak aige molso, de dat dast i ollo dieđe, dušše dam dovdda, atte son šadda loseb ja loseb.

Sëmna lakai manna olbmui sivdnadusa hërrain. Son dovdda ja dietta, atte son šadda boaresæbbo ja losseb, ja atte juokke lavkke, maid son oudast lavkke, doalvvo lagabuidi agalašvuoda, Ja farga satta læt nuft-ge, atte son molso dam buok maŋe-muš aige, namalassi ællem jabmemin, ja dalle i darbaš olmuš šat jurdašet maidege, i buore ige bahas jurddag. Dat aige molsom i læk nuftgo min aige molsom. Damditi læ dat mu jurda dam čallagest atte juokkehaš bijaši æmbo arvo dam ala, go soab-masak dal dakkek. Dat læ okta čielg-ga ašše, atte juokke have go mi ođđa jage tala čallep, de adda dat migjidi dam dieđetusa, atte min aigge læ dal ain oanekebbo, go mi dam maŋemuš jage tala čatimek.

Mangas daina, gæk dima legje særvalagai minguim jage molsomest, læk molsom aige agalažat. Si læk mannam ja mi læk baccam. Ibmel læ su stuora armostes migjidi addam ain soames bæive gæččalam diti »šad-dadapgo mi šaddoid.« Damditi læp mi fast ožžom ovta jage su stuora armost, ja gal satta læt nuft, atte dat læ maidai dat maŋemuš, jogo dudnji daihe mudnji. Damditi, rakis lokkel molso aige riftes lakai, nuft atte don dam ik šadda gattat.

Ilolaš ja Hærrast buristsivdne-duvvum ođđajage savam buok lokkedi.

Ovla-Andras.

Dærvuodak.

Burist digjidi, ustebidam, vieljak ja oabak Herra siste, erinoamačēt dig-jidi, guđek assabetet Vuodđovuonast. Gitos dam oudast go di nuft burist valdidek mu vuostai. Mon savam, atte Herra mavsaši digjidi ædnag gærddai dam oudast.

Dat læi buorre dinguin ovtast assat dam oanekaš boddo. Buorre læi dovddat rakisvuoda ja ovtarađalaš-vuoda Herra siste. Ibmel væketifčē min nuft dakkat maidai boatte beivi-siste, ja væketifčē son min duššen dak-kat buok Satan hutkid ja mænoid ja ællembalgga mielde nuft vagjolet, atte dam agalaš likkolaš sida juksap. — Son væketifčē min gilvotallat osko sis-te min aidno bæstamek Jesus Kristus ala, gutte læ golgatam su divras ja vigetes varaides mu ja du suddoi diti ja rabai migjidi gæino min almalaš aččamek lusa. Ibmel buristsivdne-dus din Jesus nammi rakis vieljak ja oabak, abmasak ja oappasak. Son ad-dus migjidi buokaidi ovta Herra siste buristsivdneduvvum ođđajage. Ædnag vaimolaš dærvuodak fulkidi ja oappa-sidi. Mu vaimo savaldak læ: Vare mi buokak gavnadifčēmek Ibmel lutte Jesus olgišbælde.

Aslak Andersen

Guollevagest.

Strængates telegramma Marsa nastai.

Nuftgo muttomak goit min blađe lokkin dittek, læ gukka læmaš arvva-lus dietto-olbmai særvest, atte daina min ædnami lagamus nasti (planetai) alde ellek ja likkadek hægalažak, ja atte daid alde maidai læk olbmuk. Okta daina nastin (planetain) gočču-juvvu Marsan, Dat galgga hui sag-garak sulastattet min ædnami. Stuora kikiriguim læk dobbe oaidnam mæra ja javrid, varid ja legid.

Dal muittalek darogiel avisak, atte okta boeggalmas dietto-olmai Ni-cola Tesla aiggo dam lagamuš boatte aigest gæččalet saddet strænga-tes telegramma Marsa planeti.

Diettalas læ dat olmai Amerika-nalaš. Daggar strængates telegrammai-di darbašuvvu hirbmadet elektrisiteta (aldagasdola) fabmo, ja Niagara elek-trisiteta-særve læ loppedam skappot 800 miljon hæstafamo.

Tesla arvvala, atte dat stuora

Niagara daedno matta skappot gidda duhat miljon hœstafamo made ragjai, jos darbašuvvu.

Son læ visses dam ala, atte Marsa-assek aigga juo læk hutkam strængates telegrama, ja atte si muttom lakkaï vastedek, go vuost mist dabe ožžuk telegrama.

Ædnagak Amerika professorain ja oappamolbmain mittek Tesla arvvalussi.

Dasto mi dal šaddap gullat ja oaidnet, moft manna.

Divras biktasak.

Okta engelas avisa læ diettet ožžom, gi daid divrasemus biktasid suitta mailmest. No. 1 galgga læt Siam dronneg, Chulalongkorn akka. Sust læ okta hærvakoba, maid son guodda bagjelistes dušše ovta gærde jagest. Dat bivtas læ rakadukvum silkest ja dat læ hervvijuvvum ædnama mavso-læmus geđgin, ja dat galgga makset bagjel 10 miljon kruvna. Okta Ruosa kæsara oabain, oavvamuš Alexander Michailowith akka, i gaida gukkas erit Siam dronnegest, dastgo son suita ovta ruošalaš garvo, mi maidai hui lavgga læ hervvijuvvum mavso-læmus geđgiguim. Dak amerikanalaš miljonærnissonak suittek maidai obba divras biktasid, gidda 180,000 kr. ragjai galgga okta vuolppo ja trægjo makset.

Gudrun læ dal gavdnum.

Dat ueca Gudrunaš, gutte mannam gase javkai fakkistaga Krianiast ja gren birra nuft ollo buok avisain læ læmaš æalluvvum, læ dal gavdnum. Nuftgo mi diettep, de jakke olbmuk, atte golggolažak (tatarak) legje dam nieidača valddam. Mutto dal čajetuvvu, atte boastot læi dat ganne-tus. Golggolažak æi læm valddam Gudruna. Mutto son læi gaččam ovta raiggai, mi balggai vuolde ovta saje Krianiast læ dobbe nuft boaitobældde, atte olbmuk æi læm arvvedam obba occatge. Dast muttom bæive, go okta olmai læi dobbe ædnam vuolde barggamen røraiguim, de gavnai son ovta mannalika daihe rievtabut ovta daktegarggadasa ja muttom biktaslip-parid.

Dallanaga bođi Gudrun olbma jurddagi, ja son manai viežžat olbmuid. Si gavdne dasto mana skuova, mast œdne dovdai, atte dat læi Gudrun.

Garra čierromin celki dasto œdne: »Na de mi dal gal diettep gost Gudrun læ. Mi læimek ællam doaivo siste gidda dam bæive ragjai. Ædnagak læk ællam migjidi ja buokain læi dat jakko, atte Gudrun gavdnu, mutto dal i læk šat mikkege doaivvomest.»

Gadnjalak læk basek.

Dak æi čajet navcatesvuoda, mutto famo. Dak æmbo sardnuk go duhat njuokčama. Dak muittalek bagjeliboattam morraš birra, čiegnales gat-tamuša ja duodalaš rakisvuoda birra.

Ale sarno bilkkosaniguim dam morrašest deddujuvvum olbmu birra, gi čierro jaskadvuodast, ale boagost daihe sarno allaget dam čiegnales morraš bagjel, ale bilkked, vaiko dat olmailaš, nana vaibmo muttom i njuorra.

Gadnjalak, oazžop mi dagjat, bajedek min spiri dovddamættomvuoda bagjel. Dat dakka buore, atte oaidnet gattavaš gadnjaliid, dak læk bakčas, mutto basse mærkak.

Dobbe læ illo gadnjali siste, okta njuoras illo!

Jos must i lifči oktage ædnam alde, gutte divtaši gadnjali gaččat mu diti, de lifči dat lossad œllet, ja jos i oktage lifči, gutte čiroši min jabmem diti, de mi æp goassege dovdaši rafhe jabmem lakkanedin daihe jamašeimek rafhest.

Maid olmuš i gađa goassege.

Atte son alelassi čilgge ærai sanid ja gævatusa buoremus oavvelest.

Atte olmuš alelassi doalla su loppadusas.

Atte olmuš læ gudnalaš ja riev-talaš su fidnos doaimatusast.

Atte son dappa su bæljies sælgebæld'sardnom oudast.

Atte son guldala ouddalgo son dubme.

Atte son čajeta uvsa sælgebældesardnui.

Atte son andagassi bivdda, go son læ mæddam.

Atte son njuoras dovdoi adna læjoi vuostai.

Atte son jurdaša ouddalgo son mænnođa.

Atte son buok alelassi dakka buoremus lakai.

Atte son vaivaši vuostai mieda-manasvuoda čajeta ja atte son jakka olbmuid ouddanet dasa mi buorre læ.

Ruotarika dronnig

læ dam rajest go sidi bođi læmaš hui buocas. Son fertte fast vuolget oarjas nuft farga go vejolaš læ.

Ollo poasta.

Poasta læi nuft mađohes ollo dam maņemuš jotteslurvtu mielde ouddal juovlaid, atte poastaolbmak ferttije-gje barggat 50 dimo ovta manost.

Italieni

læk daina maņemuš beivin ruoktot boattam 50 duhat bargge, ja čuođe duhat galggek læt boattemen. Dam jage læk 180 duhat boattam Amerikast ruoktot dai tuiskalaš havnai bagjel.

Buorre varre.

Dam amerikanalaš stuora rigga Vantertilt nieidda galgga naittalet muttom grevin. Su naitusbivtas galgga makset arvo mielde miljon ja njællja čuođe duhat kruvna.

Ruošaædnamest

olgušbottek 740 blađe. Daina læk 589 Ruošagilli, 69 Polakkalažai gilli, 41 Tuiskagilli, 9 Franska gilli, 5 Armenialažai gilli ja 2 Ebrealas gilli

Budapestast,

Ungara oavvevegavpugest sardneduvvu juokke sodnabæive 12 gilli 50 girkoim.

409 gilli

læ dal bibal jorggaluvvum ja videduvvum ædnam alde. Bibal læ ollaset jorggaluvvum 103 gilli. Ođdatestamenta ja æra bibaloasek læk dasto jorggaluvvum daid æra gielaidi.

Ruotarikast

gavdnujek 856 friagirkkolaš særvve-godde.

Dak 4 stuoremusak læk:

Ođđasist gastaægjek 577 særvvegoddin.

Methodistak 119 særvvegoddin.

Friabaptistak 112 særvvegoddin.

Methodistai 15,000 mieldeattoin læk dušše 3,300 olgusmannam statagirkost.

Sisaboatto oktibuok friagirkkoversin dam maņemuš jage læi 1,400,000 kruvna.

Muota

læ dal valljit ollim minge ragjai dabe Vesteraalast, nuft atte dal i læk gal dat vaillevuotta.

Rekegak

saddijuvvujek dam nummar mielde daidi doalledi, gæk æi læk maksam 1907 ondast. Nubbe bældē daina rekegin læ dinggomseddal, nuft atte juokkehaš, gutte oažžo daid seddalid, bigja daid oktan blađe mavsoin konvulutta sisa ja sadde matkai.

Daggar brævak mannek portofria, go merkkejuvvu avissag.

Troandem baikin

galgga læt hui huolaš ja čaccevadne.

Frelsesarme

lavve juokke jage adnet ovta vakko, maid dat goččoda ješječasek-biettalavakkon. Dam vakkost biettala juokkehaš aldest juogamaid. Muttomak biettalek kafe, muttomak fast sokkar ja muttomak færamaid æra dingaid. Dak ruđak, mak daina lagin sestujuvvujek, adnujuvuvjek evangelium videdæbinai sin vuoge mielde.

Dam jage (1907) sesti Frelsesarme daina lagin 30 duhat kruvna.

Salledbivddo

læ valljogasat vela Ruota bældēge, dast dat boatta, atte i læk šat salledi favdnadet jotto.

Damppa »Haakon Jarl«

læ mannam lassa ala Kristianiavuonast skoaddo gæčeld.

Stuora likkotesvuodak mæra alde.

Okta Haugesunda damppa »Mimi« 16 olbmain gannetuvvu duššam matke alde Kotkast Genti.

Okta darolaš barkkaskipa »Germanie« læ duššam gavcin olbmuin Amerika bællai.

Okta emigranta damppa, mi vulgi mano dast ouddal Antwerpenest ja galgai Newyorki 400 pasešerain, balhuvvu duššam goino ala; dastgo i læk mikkege gullujuvvum sust dam rajest.

Amerika ja Japan

gaskast i læk riehta buorre soabalašvuotta Japanesalažai sisavagjolome diti Amerikai, ja Amerikanalažai gævatusa diti dai Amerikast asse Japanesalažai vuostai. I læk dietto, jos gaskavuotta riehta čavgga, atte soatte dam guovto gaskast i šadda.

Dingo „Nuorttanaste“!

Religionalaš dagjom Aalesundast.

Okta darolaš blađe »Søndmøre, Folketidende« muittala, atte ovta sodnabæive dast gieskad dollujuvvui stuora čoaggalmas Søndmørest; dobbe sardnu ædnagak »njuokčamiguim,« ja muttomak einostegje, atte Aalesund gavpug galgai duššat garra dalke ja stuora baroi bokte ovta maņebarga ija. Ja čajeti, atte ædnagak jakke dam jallavutti; dastgo dimo 4 maņebarg'idđed vulgge mangá čuođe batarussi olgobællai gavpuga. Si vurdde dobbe dassačigo dibmo šaddai 7, muttogo i boattam dat einostuvvum duššadæbme, duste si maccat ruoktot. Dalkke læi dam ija hui galmas, ja bahamus læi daidi smava manaidi, mak legje mielde valddujuvvum.

Vaddes læ arvvedet, atte olbmuk min bajasčuvvggijuvvum aigest galgek nuft jallot. Dat, atte olbmuk dopitallek religionalaš mielatesvutti dpatuvva davja; muttogo oažžot nuft ædnag olbmuid daggar gaiggodaga jakket dat i dpatuva davja.

Kinast

barggek 82 miššonsærve. Daina gullek Amerikai 33, gæk bargost adnek 942 olbma, 486 naittalam nissona ja 434 naittalkættes nissona. Oktibuok læ dai Amerikast boattam miššonbarggi lokko 1562.

Kinast barggek maidai 25 engelas særve 1780 miššonærain.

Dam europealaš, nannanest læk 24 særve 421 miššonærain.

Oktibuok legje Kinast oudeb jage (1906) loapast 3833 miššonbargge.

Arvo mielde 224,000 Judalažak

gastašuvvujegje dam 19ad jakkečuodest. Jakkasažat gastašuvvujek gaskal 2500 ja 3000 Judalaža. Dam jage 1870 manai judalaš-kristalažai lokko 20,000 ragjai; 1891 100,000 ragjai; 1897 200,000. Dačebahabut i sate celkkujuvvut, atte anaš oasse daina kristalašvutti mannam Judalažain læk dam lavke dakkam valde osko diti Kristus ala, muttogo baica jierme duottančajetæme daihe olgoidas muto diti. Nuft muittala okta blađe, man nama læ »Sandhedsvidnet«.

Gudrun havddadæbme.

Dat bæggalmas ucca nieidaš, Gudrun, gutte dal læ gavdnujuvum

havddaduvvui maņemuš bæive boares jagest. Dat ucca gistoš læi čabbat hervvijuvvum ruona kransaiguim. Juokke guovlost Kristiania gavpugest botte moraš biktasi sisa garvotuvvum joavkok Sofienberg girkkogårdai. Ovta kransa ala læi čallujuvvum: »Mannavuoda beivin du jabmen fatmasti. Du rakkasinad læk don čiegñalaset occaluvvum.« Go dat Landstad salma: »Mon dieđam ovta nakkar Jesus nammi«, læi lavllujuvvum, doalai gielpapappa Tandberg muittosarne. Son celki: »Manga morašlaš jurddag ja njuoras dovdo likkadek min buokai vaimost, go mi dal jage maņemuš bæive čuožžop dam ucca Gudruna gisto birra. Mu halidus læ, atte min mašotes jurddagak čoagganiččee su birra, gutte læ celkkam: »Bottet mu lusa buokak di, gæk barggabetel Mon addam digjidi vuoiñadusa.« Ollo mašdtesvuotta læ dam ællemest. Dat ællem læ dego mašotes appe. Jos mi vela čokkape gadderavda alde, de almake čuovvop mi ællema dobbe, doavoi siste, mak jaddek, ja iloid ja morraši siste. Maidai din morrašest, rakis vanhemak, læimek mi mielde dam 6 gukkes mano, doai Gudrun ocaide. Mi læimek mielde go son occujuvvui vadanasi særvest mæra alde, olmušjoralmas baikin gaddest ja go si vari sisa minerijegje dam jurddagest, atte su dobbe gavdnat. Mi læimek maidai din mielde, go olbmuk su 7id riegedambæive gavdne bacatusaid dam uccakažast. Mi læimek din mielde maidai dam gačaldagast: »Maggarson su maņemuš soatte læi.« Muttogo mi æp bissan dasa. Jabnema sprenggijuvvum portaid oaidnep mi ovta čabba lanja sisa — ovta orromsaje sisa. Dobbe ælla Gudrun hærvvat Jesus Kristusa særvevuodast. Mi diettep, atte son hamana læ gavdnam Ibmel aččee salast. Mi diettep maidai, atte son jurdaša din ala, gæk gillaidek nuft ollo su diti. Muttogo son, gutte læ celkkam: »Bottet mu lusa, mon addam digjidi vuoiñadusa,« læ dai duodalaš beivi siste ravkkam din. Mi oaidnep, atte ællema Ibmel rabasta su lađes gielđaides miir vuostai ja celkka: »Bottet buok mailme mašotesvuodast ja gavdnet mašo mu lutte j. n. v.«

Liegga saniguim ouddangudi dastopappa ucca Gudruna maņemus farvel i dušše daina lagamuš rakkasin muttogo maidai daina ædnag duhatin, gæk njuoras dovdoiguim legje čuvvom su, go son occujuvvui.

»Nuorttanaste« čalle, prentejægje ja olgusadde læ G. F. Lund, Sigertjord Vesteraalen.